


Ó^vc durijí
huá^v xít rójc yét



Các hua^vgát
qui, Sibú
égui ú
ya^vmú^vra
quí



i o'c shí'cra: Edward Hughes

i bóñcra: Lazarus
Alastair Paterson

i bañcra: Sarah S.

I cuiñcra brúñcajc tégat:
Miguel Ángel Quesada Pacheco

i sodíjca: Bible for Children
www.M1914.org

©2026 Bible for Children, Inc.


Shuñuá: Bá qui bri'é huá qui téc qui yeñrúra ijchí ó'c shí'ra,
mañ bañ bri'é i chíctoñí'sha.



Íc Jesús qui hué^v di^v táp ta irá, Iñ i dií rójc ca yuacrá
các hua^vgát úgue^v. Yá qui i cá^vyéñcra "Ad Yebejt égui
Ú qui", iné cuiñ cáhuí^vua rójc baguíriñ qui teguíriñ. Yá
ta é^vxe cahuí^vua qui é^vxe ú abí
ya^vmú^vrará. Cáp hua^vgát
qui yraóñ cri^véra ijchí
yraóñ ya^vmú^vrara
é^vxe ú ca di^v táp ca.



Yabé^v Jesús qui i cá rójc: "Añ degra é^vxe cá^v qui sodíj bi^v yét. Añ degra é^vxe cá^v sodijí bi^v yét néme, Añ shirá éyi^v bi^v huí^v yét At cába." Jesús añ dequíra cojtcá rójc i dús ta, aguiba iñ nañájtca cá^v hua^vgát i. Jesús qui decrá nañájt ní I dií rójc qui craé^vira i cá huic ta, iné é^vxe bók qui I duscrá i cá rójc.




Yabíshe^v cristiano rójc qui Jesús chigónra qui Iñ shirá
hue^vé i^v huí^v rójc yét. Jesús qui tecrá quiñ shiíra
deguá, í^vc si^vaní i denáirá. Mañ ídabí yabájgra
ógué yá qui cristiano rójc é^vdé añ cojdrá Iñ
shirá neñuájc qui tá? Biblia qui
tegrá níñ degrá rójc du^vcá Jesús
sháj ta. Diñ degrá cáhuic
di^v ya^vsrójc chi tá néme,
diñ yá^v ta^vrá di^v
Xasúj sháj ta.




DI^v XASÚJ
I SHÁJ TA




Revelación qui, Biblia égui óc neñij qui, di^v cá tegrá
iní^v các hua^vgát qui cuĩñ ya^vmú^vrara. Các hua^vgát qui
Sibú égui úra, yá qui cuĩñ ya^vmú^vrará. Sibú añ yá^v
cuñrá ógué các rójc ta, mañ I te^vcrá qui các hua^vgát ta
rá.



Crabe'í durij rójc ní é't abí rójc cás hua'gát éc Sibú qui
yásugrá yá ta. I dó'sh ógué abí rójc añ cojtcrá ijchí
decrá rójc cás hua'gát i. Yá rójc
qui tabáyeñrá Sibú ca ijchíñ
I yásugrá rójc.




Hue^vé diñ bú^vc mañ téc bagrá, añ yá rójc qui tabáyeñrá:
BÁ QUI YÁSUGUÁRA, BAÑ DI^v SHÉCRA ÓGUÉ
CÁC ROJC TA UGUE^v, BA YIBÍ
CRA^v TÁ, IJCHÍ BAÑ DI^v
SODÍJCRA SORÉ^vCA RÓJC
IJCHÍ CABAÑ RÓJC
DO^vSH, DI^v
SIBÚ YET.
(Apocalipsis 5:9)




Óc cuás neñij rójc qui Biblia tá di cá yuagrá cás
hua'gát úgue "Jerusalen quiñca" dósh. Yá qui
cahuí'cra qui cuññ cuññ cri'éra, é'xe ajgraní cuññ ajdí
bagriñ i shícujdé. Yá qui ajgraní qui sódijuára cáñ
jaspe éc é'dé, ba'gát ijchí drubé. Cáñ ya'mú'ra rójc


ijchí shuyrá
abí ajgraní i
shá's qui
cáchi'rá, do'íñ
ro'rá shosát
ya'mú'ra. Ógué
yá qui cahuí'cra i'
úcarás rójc qui
sódijuára shuyrá
cri'é rójc é'dé.



Yá qui úcarás rójc qui shuyrá éc du[˘]shií[˘]sha. Chá diñ
yu[˘]úgra i cájc ta craé[˘] yét... ISHDOM! Cás hua[˘]gát qui
cuíñ ya[˘]mú[˘]ra i cájc ta. Yá qui cahuí[˘]cra qui sódijuára
shos sijí éc, drubé ba[˘]gát dó[˘]sh. Ijchí néñcra qui
sódijuára shos éc.



É˘xe dí˘ cajc yiri˘cá ec, ya˘mú˘ra ijchí cratcá, decyú˘ra Sibú égui te˘crá ca. Cráñ yiri˘cá yá˘ cuñrá dí˘ huajguí ijchí duajguí, yá qui cráñ qui cuñríñ rójc neñuájc Eden táñ néñ ta rá. Huá qui cráñ qui cuíñ bu˘shíra. Yá qui cráñ qui cróhstañ bú˘c huá rójc bagrá, é˘xe huá qui é˘xe tebej yét. Ijchí yá qui cráñ cá yiri˘cá rójc qui yá ta rá chiñ ógué abí rójc di˘ táp ta téñra yét.



Các hua'gát qui cacshá oñ tebej qui sebeguí'sha ro'úa. Sibú i gloria qui i cúdra bút ya'mú'ra tá. Các bigát qui si'aná.



Cahuí^v rójc qui các hua^vgát ta bu^vshíra i dó^vsh. Yá rójc qui dubrá^vuará ijchí bu^vgát. Auj bíjt qui ya^vdéra bú shiraní rójc mañ. Ijchí turí shuañ ajgón rójc rú^v yáñra turi dó^vsh. Di^v Xasúj añ tera: "Í^v rójc qui si^vaná réjgra ijchí roñrá At các túj durijí ta".



Diñ craé'ra i shicujdé néme, diñ i' íshdra qui bú'cmañ
ídidídi rójc qui si'áñra các hua'gát ta. Téc sa'yéñ rójc
dojguí'sha diñ. Abí rójc qui yá'
ái'sha niñ yá'adí'sha rójc.
Úcaras rójc qui du'í'sha,
ayáñsújcra rójc si'aná
yá ta. Abí catuasújc
rójc si'aná, bó's rójc
qui si'áñra, abí sa'yéñ
rójc qui si'áñra.
Sá'yéñcuá rójc qui
si'áñra các hua'gát ta.



Các hua[˘]gát ta Sibú shájta, bocá rójc qui si[˘]áñra
cuíñ. É[˘]t déc rójc qui tá, Sibú égui rójc qui
borá, cuíñ due[˘]cá rójc di[˘] táp ca
úgue[˘]. Các hua[˘]gát ta, Sibú qui
téñ ógué bocá rójc qui xénra.



Cojtca qui si'añra Cacs hua'gát ta i dó'sh. Sibú i cacs
rójc qui yá' cuñrá I mañ ógué cacsba' rójc ta. Abí rójc
qui téñ sho'í'sha cuiñ, ijchí boí'shiñ rójc, xa'óñ qui
si'añra. Ché' qui téñ si'añra, abí rójc qui tecshúñí'sha
yá' cá, abí rójc qui
bí'uai'sha. Ógué
abí rójc i chíc qui
moréñra Sibú
mañ ógué
cacsba' rójc ta.



Cuíñ moréñ, các hua'gát qui bojgát ijchí bushát (ijchí xasúj ijchí só'ro rójc) yét añ Jesucristo dójcra i Sheí dó'sh, ijchí I técdójcra rójc i Xasúj dó'sh. Các hua'gát ta yá' cuñrá é'xe ó'c qui yá' ca'yéñriñ "Bú Shiraní égui Ó'c yiri'cá". Yá qui ó'c qui cutcára abí cá' rójc ta. I' huíra bañ, dí añ égui cá' qui ó'cshí'uará yá ta? Ógué abí rójc añ i chíc qui é'cra Jesús é'dé.

Ba cá' qui yá ta rá dé ishcumú'?



Biblia égui téc neñij rójc qui các hua'gát úgue' é'xe cá'huiñuá cuiñ moreñ bagrá. "Mañ Huic qui ijchí i Shídua qui tegrá: 'Máyi!' Ní dí añ i dójgra qui é'shiñ dabagrá. Ní dí añ dí' yáñchará qui é'shiñ dabagrá. Ní dí añ i beyáñra qui, yá qui dí' yiri'cá qui é'shiñ yáñra shecá."




Các hua'gát qui, Sibú égui ú ya'mú'ra qui

Huá téc qui, Sibú égui Téc qui, Biblia éc,
cuñrá bañ

Juan 14;
2 Corintios 5;
Apocalipsis 4, 21, 22

“Ba Téc rójc égui yu'úcra di' déra bút ta.”
Salmo 119:130





Ogájrîñ

60

60



Huá qui Biblia égui téc qui di^v cá i yuagrá, iní^v Sibú huaxáta qui di^v sodíjra dó^vsh, iní^v Iñ di^v beyáñra diñ I^v cuñí yét.

Sibú añ i^v huíra, diñ yá^v óñmañrá sa^vyeñ, yá qui Iñ i ca^vyeñra “sa^vyeñcuá”.

Di^v sá^vyeñcuá rójc tabajguára cojtcá é^vdé. Mañ Sibú qui di^v sá^vbeyáñra cuñí, yabúgue^v Iñ di^v cá I^v huá^v qui shúñcra, yá^v ca^vyeñriñ Jesús neñ, chiñ cojdíra é^vxe criñtá ca yét ijchí tabajguáriñ di^v sá^vyeñcuá rójc yet. Mañ Jesús neñ yiri^vcrá éyi^v ijchí nañájtcriñ cáca hua^vgát i. Bá qui Jesús neñ dójgra neme, ijchí bañ I cá i shígra chiñ ba sá^vyeñcuá rójc qui shéra yét, iñ ba cá i shéra rójc neme. Iñ téñ huarí^vra chíñ cahuí^vra ba shájta yét, ní bañ cahuí^vra I shájta ógué cácba^v rójc ta.

Yá^vshi bañ tegrá í^vc bañ yá^v oñchaí^vsha sá^vyeñ cuñí: Sibú beyáñua qui, Jesús neñ cojtcra a^vr ú^v, at chíc qui dojgra, ijchí iñ cháj qui tá yiri^vrá éyi^v. Máyi at shájta ní at sá^vyeñcuá rójc qui sheá, cháñ éyi^v moréñ yiri^vrá yét, cháñ Ba shájtara yét ógué cácba^v rójc ta. At sáyua^v cahuí^v Ba ú^v, é^vxe Ba huá^v xít dó^vsh. Amén.

Biblia qui o^vcshañá, iné cácyuagá Sibú mañ ógué cácba^v rójc ta!
Juan 3:16.

